

Broj: 01-07-07/2-11-3-11/21
Sarajevo, 18. 07. 2021.

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14), federalni ministar unutrašnjih poslova **d o n o s i**

ODLUKU

o poništenju postupka javne nabavke autobusa za potrebe Policijske akademije Federalnog ministarstva unutrašnjih/unutarnjih poslova putem otvorenog postupka

I

Na osnovu čl. 69. stav (2) tačka d) i čl. 70. Zakona o javnim nabavkama Bosne i Hercegovine („Službeni glasnik BiH“, broj 39/14), poništava se otvoreni postupak javne nabavke autobusa za potrebe Policijske akademije Federalnog ministarstva unutrašnjih/unutarnjih poslova putem otvorenog postupka, obavještenje o nabavci, broj: 405-1-1-46-3-7/21 (Službeni glasnik BiH, broj: 39/21).

II

Odluka stupa na snagu danom donošenja.

III

Za objavljivanje obavještenja o poništenju postupka javne nabavke autobusa za potrebe Policijske akademije Federalnog ministarstva unutrašnjih/unutarnjih poslova putem otvorenog postupka zadužuje se Sektor za materijalno - finansijske poslove Federalnog ministarstva unutrašnjih poslova.

O b r a z l o ž e n j e

Komisija za provođenje postupka javne nabavke autobusa za potrebe Policijske akademije Federalnog ministarstva unutrašnjih/unutarnjih poslova putem otvorenog postupka imenovana Rješenjem federalnog ministra, broj: 01-07-07/2-11-3-11/21 od 14.07.2021. godine, je izvršila analizu, pregled i ocjenu dvije blagovremeno zaprimljenih ponude te je utvrdila sljedeće:

1. Ponuda ponuđača "UBEStore" d.o.o. Tuzla nije ispunila sljedeće kvalifikacione uslove:
 - b) Obrazac za cijenu ponude nije ovjeren pečatom dobavljača na mjestu predviđenom za ovjeru dobavljača (potpis i ovjera dobavljača-fali ovjera),
 - j) Izjavu Ponuđača da ima osiguran ovlaštenu servis u Bosni i Hercegovini. Potvrda se daje na memorandumu ponuđača, potpisana od strane ovlaštenog lica i ovjerena pečatom ponuđača. Data je uslovna izjava: "Ponuđač ima osiguran ovlašten servis za vozila Otokar, odnosno ponuđač će obezbijediti servis i održavanje za ponuđena vozila na području kantona Sarajevo i Bosni i

Hercegovini u garantnom roku i periodu nakon isteka garancije" iz koje nije vidljivo gdje se u BiH nalazi ovlaštenu servis, te kao takva nije prihvatljiva za Komisiju Ugovornog organa,

l) Nacrt ugovora, nije parafiran svaki list Nacrta ugovora u skladu sa TD (Tačka 25. Tenderske dokumentacije),

s) Popis dokumenata uz ponudu koji čini sadržaj ponude (forma obrasca sadržaja ponude u prilogu ove tenderske dokumentacije), nije popunjen u skladu sa formom iz obrasca sadržaja ponude iz tenderske dokumentacije (Nedostaje ime i prezime, potpis ovlaštene osobe i pečat), te ova ponuda kao takva neće biti predmetnom dalje evaluacije ponuda.

2. Ponuda ponuđača "Sejari" d.o.o. Sarajevo, nije ispunila kvalifikacioni uslov iz tačke 31, zahtjevane tehničke karakteristike koje se dostavljaju uz Obrazac za cijenu ponude. Naime, ponuđač "Sejari" d.o.o. Sarajevo nije dostavio katalog ili kopije stranica (dijelove) kataloga koje se odnose na ponuđeni autobus ili tehnički list - sve na jednom od službenih jezika u BiH, a ukoliko je katalog ili dijelovi kataloga na stranom jeziku, isti mora biti preveden na jedan od službenih jezika u BiH od strane sudskog tumača. U skladu sa kvalifikacionim uslovom iz tačke 31, zahtjevane tehničke karakteristike koje se dostavljaju uz Obrazac za cijenu ponude, "Ponuđač je u ponudi dužan dostaviti katalog ili kopije stranica (dijelove) kataloga koje se odnose na ponuđeni autobus ili tehnički list - sve na jednom od službenih jezika u BiH, a ukoliko je katalog ili dijelovi kataloga na stranom jeziku, isti mora biti preveden na jedan od službenih jezika u BiH od strane sudskog tumača", ponuđač nije ispunio ovaj kvalifikacioni uslov, te ova ponuda kao takva neće biti predmetnom dalje evaluacije ponuda, te je shodno članu 68. stav (i) i članu 69. stav (2) tačka d) Zakona o javnim nabavkama Bosne i Hercegovine ("Službeni glasnik BiH", broj 39/14), odlučeno kao u dispozitivu Odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, u pisanoj formi u roku od 10 (deset) dana od dana prijema iste. Žalba se podnosi putem Ugovornog organa u 3 (tri) primjerka i dokazom o uplaćenju taksi.



Dostaviti:

1. Ponuđačima x2
2. Sektoru za mat.-fin. poslove FMUP-a,
3. Kabinetu ministra - Odsjek za odnose sa javnošću, (za potrebe objave na internetskoj strani FMUP-a – Ugovornog organa),
4. U spis,
5. a/a.

AH/EM

FMUP-ODL